



KENYATAAN MEDIA
ZAIRULSHAHFUDDIN ZAINAL ABIDIN
KETUA PEGAWAI EKSEKUTIF ISLAMIC RELIEF MALAYSIA
14 OGOS 2017

PROGRAM KORBAN ISLAMIC RELIEF MERENTASI 33 BUAH NEGARA

Bangi Lama, 14 Ogos 2017 – 3.5 juta penerima manfaat di seluruh dunia bakal menerima sumbangan daging korban tahun ini daripada Islamic Relief (IR) melibatkan 155,000 bahagian korban.

Perkara itu dijelaskan oleh Ketua Pegawai Eksekutif Islamic Relief Malaysia (IRM), Zairulshahfuddin Zainal Abidin yang ditemui di program jomSinggah Qurban anjuran IRM di Pusat Jagaan Mahmudah hari ini.

“Di peringkat global, sebanyak 33 negara seperti Syria, Palestin, Somalia dan pelbagai lagi terlibat dalam menerima bantuan ini.

“IRM sendiri telah menguruskan dan melaksanakan kempen ini selama 12 tahun dan sambutan yang diterima daripada masyarakat Malaysia sangat menggalakkan.

“Melalui rangkaian IR di Malaysia, kami menyasarkan sebanyak 1,100 bahagian korban diagihkan kepada penerima manfaat di negara-negara terpilih,” katanya.

Orang ramai yang ingin menyertai ibadah korban ini bersama IRM boleh hubungi talian 03-89263434 atau layari laman web www.islamic-relief.org.my.

Harga bagi setiap bahagian korban berbeza mengikut negara bermula dari RM390 hingga RM2,000.

Penerima manfaat seperti anak yatim, warga emas, fakir miskin, golongan Orang Kelainan Upaya (OKU), ibu tunggal dan pelarian bakal menerima daging korban berbentuk daging segar, sejuk beku atau yang ditinkan.

Di Malaysia, sebanyak 3 ekor lembu akan dikorbankan di Kg. Sg. Tangkarason, Beluran, Sabah dan seekor lembu di Kg. Sg. Kechil, Nibong Tebal, Pulau Pinang.

jomSinggah Qurban

Dalam pada itu, jomSinggah Qurban disertai kira-kira 90 orang terdiri daripada 47 penghuni Pusat Jagaan Mahmudah, rakan-rakan media, kakitangan serta Ikon Kemanusiaan IRM, Irma Hasmie.

Antara objektif program ini ialah ziarah sambil beramah mesra bersama penerima manfaat IRM di samping memberi kesedaran mengenai kempen Qurbani Merentasi Sempadan kepada rakan-rakan media yang hadir.

“Tujuan utama program ini dijalankan adalah untuk merapatkan silaturahim di kalangan rakan media, penerima manfaat serta kakitangan IRM di dalam menghayati sifat keprihatinan dan pengorbanan serta kasih sayang,” ulas Zairulshahfuddin.

Para penghuni Rumah Jagaan Mahmudah kelihatan gembira bercampur sebak ketika sesi perkongsiaan daripada Irma Hasmie dan Zainudin Yahya, salah seorang penghuni bertajuk Berkorban Apa Saja.

Sesi berakhir dengan jamuan makan dan agihan cenderahati kepada semua penghuni warga emas tersebut.

Mengenai IRM dan IR

Diasaskan di United Kingdom pada tahun 1984, Islamic Relief Worldwide (IR) merupakan sebuah organisasi bantuan dan pembangunan amal antarabangsa yang bebas dan bukan berpaksikan politik. IR diiktiraf sebagai sebuah badan bukan kerajaan dengan status perundingan khas sejak tahun 1993 oleh Majlis Ekonomi & Sosial PBB (UNECOSOC).

Selama bertahun-tahun, IR telah mengembangkan mandatnya untuk menyediakan bantuan kemanusiaan dalam pelbagai bidang termasuk bantuan kecemasan, pembangunan mampan sosial bersepadu (termasuk perubatan, pembangunan komuniti, pendidikan, kehidupan, tempat tinggal, psikososial) dan pengurangan risiko bencana. Kami berdedikasi untuk mengurangkan penderitaan rakyat termiskin di dunia. IR memberi bantuan dalam fasa kecemasan yang melibatkan bencana alam atau bencana buatan manusia melalui kerjasama dengan masyarakat setempat, sukarelawan, rakan kerjasama dan para penderma. Kami membantu mereka yang memerlukan tanpa mengira kaum, agama, jantina atau kefahaman politik tanpa mengharapkan sebarang balasan.

Sehingga kini, IR telah berkhidmat di lebih 45 buah negara. Sejak 1984, IR telah mempunyai rangkaian tetap di lebih 35 buah negara merangkumi 100 buah cawangan di seluruh dunia yang bertanggungjawab untuk menyelaras, menjana dana dan melaksanakan program-program IR.

YABhg. Tun Dr. Mahathir Mohamad telah melancarkan penubuhan IRM pada tahun 2005, bertujuan untuk meneruskan bantuan kemanusiaan IR di rantau Asia-Pasifik. Kini, IRM berperanan sebagai pejabat penjanaan dana (bagi projek antarabangsa & tempatan) dan pelaksana projek tempatan.

Untuk mendapatkan maklumat lanjut mengenai program kemanusiaan IRM, sila layari laman web rasmi IRM iaitu www.islamic-relief.org.my atau hubungi IRM di talian tetap 03-8926 3434.

Bagi mereka yang ingin membuat sumbangan, salurkan sumbangan anda ke nombor-nombor akaun berikut atas nama Islamic Relief Malaysia :

MAYBANK ISLAMIC | 5621 4270 8704

CIMB ISLAMIC | 860 2073818

BANK ISLAM | 12 029 01 006564 3

AFFIN ISLAMIC | 10 671 000278 4

BANK RAKYAT | 11080 10000 35

atau melalui :

CHARITY SHOPPE | TUNAI / KAD KREDIT

MOBILE APPS | IR Malaysia

Ir. Hj. Zairulshahfuddin Zainal Abidin

Ketua Pegawai Eksekutif, Islamic Relief Malaysia

- Tamat-

**Dikeluarkan oleh,
Islamic Relief Malaysia (IRM)-Reg No: 657354-W
A-05-1, Paragon Point, Jalan Medan PB5, Seksyen 9,
Pusat Bandar, 43650 Bandar Baru Bangi, Selangor**
Untuk maklumat lanjut, sila hubungi Sis Zafirah
di talian 03-8926 3434, faks 03-8925 3434 atau
emel: Zafirah.Zahari@islamic-relief.org.my